

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

ZAKLJUČAK

Sarajevo
septembar, 2016. godine



Broj: 02-26-1-021-4-II/16
Sarajevo, 14.09.2016. godine

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (2), u vezi sa članom 12. Zakona o konkurenciji („Službeni glasnik BiH“, br. 48/05, 76/07 i 80/09), rješavajući po Prijavi koncentracije fizičkih lica (..)**¹, zastupani po advokatu Adiju Ibrahimoviću, Bijeljinska 9, 76100 Brčko distrikt BiH, zaprimljenoj dana 28.06.2016. godine pod brojem: 02-26-1-021-II/16, na 132. (stotinutridesetdrugoj) sjednici održanoj dana 14.09.2016. godine, donijelo je

Z A K L J U Č A K

1. Odbacuje se Prijava koncentracije fizičkih lica (..)**, kojom se osniva privredni subjekat „AREX GROUP“ d.o.o. za proizvodnju, promet i usluge, Cerik bb, Brčko distrikt BiH radi nepostojanja koncentracije u smislu Zakona o konkurenciji.
2. Ovaj Zaključak bit će objavljen u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 28.06.2016. godine pod brojem: 02-26-1-021-II/16 zaprimilo Prijavu koncentracije (u daljem tekstu: Prijava) fizičkih lica (..)**, zastupani po advokatu Adiju Ibrahimoviću iz advokatskog društva „Ibrahimović&Co“ d.o.o. Brčko distrikt BiH, Bijeljinska 9, 76100 Brčko distrikt BiH (u daljem tekstu: Podnosioci prijave) koji namjeravaju da osnuju novi privredni subjekat „AREX GROUP“ d.o.o. za proizvodnju, promet i usluge, Cerik bb, Brčko distrikt BiH.

Prijava nije bila potpuna i kompletna, te je Podnosilac prijave istu dopunio dana 01.08.2016. godine podneskom zaprimljenim pod brojem: 02-26-1-027-1-II/16.

Konkurencijsko vijeće je utvrdilo Prijavu kompletnom i izdalo Potvrdu o prijemu kompletne i uredne Prijave, u skladu sa članom 30. stav (3) Zakona, dana 14.09.2016. godine broj: 02-26-1-021-2- II/16.

U skladu sa članom 30 stav (2) Zakona, Podnosilac prijave navodi da nije podnio zahtjev za ocjenu koncentracije nekom drugom tijelu ovlaštenom za ocjenu koncentracija izvan teritorije Bosne i Hercegovine.

Konkurencijsko vijeće je uvidom u dostavljenu dokumentaciju utvrdilo da je prijava podnesena u smislu člana 16. stav (1) Zakona.

¹ (..)** podaci predstavljaju poslovnu tajnu

1. Učesnici predmetne transakcije

Učesnici predmetne transakcije su fizička lica (..)**.

(..)**posjeduje (..)**% vlasničkog udjela u privrednom subjektu „SIRUP“ d.o.o. Brčko distrikt.

(..)** ne posjeduje većinski vlasnički udio u drugim privrednim subjektima u Bosni i Hercegovini, tj. ne postoje drugi privredni subjekti u kojima imenovani ima više od polovine udjela ili dionica, odnosno ne postoje drugi privredni subjekti u kojima ima pravo iz člana 2. stav (2) u vezi sa članom 14. Zakona o konkurenciji.

Ukupni godišnji prihodi učesnika transakcije na dan 31.12.2015. godine iznosio je:

Tabela 1.

Red. br.	Naziv privrednog subjekta	Bosna i Hercegovine KM	Svjetski nivo KM
1.	(..)**	(..)**	(..)**
2.	(..)**	(..)**	(..)**

*(..)**

Izvor: Podaci iz Prijave

2. Pravni osnov predmetne transakcije

Pravni osnov predmetne transakcije je Ugovor o osnivanju društva sa ograničenom odgovornošću „AREX GROUP“ Brčko distrikt zaključen dana 24.06.2016. godine (u daljem tekstu: Ugovor).

Privredni subjekt „AREX GROUP“ d.o.o. Brčko distrikt se osniva od strane fizičkog lica (..)** sa vlasničkim udjelom od (..)**% i fizičkog lica (..)**sa vlasničkim udjelom od (..)**% u osnovnom kapitalu.

3. Ocjena prijave koncentracije

Analizom dostavljenih podataka i dokumentacije, Konkurencijsko vijeće je utvrdilo da predmetna transakcija nije koncentracija u smislu odredbi Zakona, jer ne ispunjava potrebne uslove, iz razloga, kako slijedi:

U skladu sa članom 377. Zakona o preduzećima Brčko distrikta BiH („Službeni glasnik Brčko distrikta BiH“, br. 10/02, 14/02, 1/03, 8/03. 4/04. 19/07 i 34/07) sve odluke osnivača društva sa ograničenim odgovornošću se donose na skupštini običnom većinom glasova, dok je za određene najbitnije odluke potrebna dvotrećinska većina kako je to regulisano čl. 383, 384, 387 istog Zakona.

S obzirom na činjenicu da će fizičko lice (..)**imati značajno veći procenat udjela glasova u privrednom subjektu „AREX GROUP“ jasno proizilazi da će u procesu donošenja budućih poslovnih odluka odlučivati samostalno i nezavisno.

Također prema navodima Podnosioca zahtjeva, u osnivačkom aktu „AREX GROUP“ ne postoje bilo kakve odredbe koje bi drugom osnivaču, fizičkom licu (..)**davale pravo i mogućnost da

utiče na, ili ograničava pravo odlučivanja (..)***o strateškim i drugim bitnim poslovnim pitanjima u novoosnovanom privrednom subjektu.

Slijedom navedenog, u konkretnom slučaju se ne radi o koncentraciji u smislu odredbi Zakona, nego o osnivanju novog privrednog subjekta sa većinskim vlasničkim udjelom jednog fizičkog lica.

U skladu sa navedenim, ne postoji obaveza podnošenja Prijave koncentracije.

Konkurencijsko vijeće je iz navedenog razloga odlučilo kao u dispozitivu ovog Zaključka.

4. Administrativna taksa

Podnosilac Prijave je na ovaj Zaključak, u skladu sa članom 2. Tarifni broj 108. tačka c) Odluke o visini administrativnih taksi u vezi s procesnim radnjama pred Konkurencijskim vijećem («Službeni glasnik BiH», br. 30/06 i 18/11) dužan platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

5. Pouka o pravnom lijeku

Protiv ovoga Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Zaključka.

Predsjednica

mr. Arijana Regoda - Dražić